

Na osnovu članova 16. i 17. Zakona o Vladi Hercegovačko-neretvanskog kantona („Službene novine HNK“, broj:3/07) i člana 10. Odluke o utvrđivanju visine naknada za koncesije za eksploataciju mineralnih sirovina na području Hercegovačko-neretvanskog kantona („Službene novine HNK“, broj:12/08), a u vezi sa članom 6. Zakona o izmjenama i dopunama Zakona o koncesijama („Službene novine HNK“, broj:1/06), Vlada Hercegovačko-neretvanskog kantona je na nastavku 45. sjednice održanom 5.10. 2009. godine, donijela

ODLUKU

O IZMJENI I DOPUNI ODLUKE O DAVANJU KONCESIJE ZA ISTRAŽNE I EKSPLOATACIONE RADOVE NA NALAZIŠTU MINERALNE SIROVINE TEHNIČKOG KAMENA KREČNJAKA NA LOKALITETU „TUNEL“ NA PODRUČJU OPĆINE KONJIC KONCESIONARU „PBP“ D.O.O. KONJIC

I

U Odluci o davanju koncesije za istražne i eksploatacione radove na nalazištu mineralne sirovine tehničkog kamena krečnjaka na lokalitetu „Tunel“ na području općine Konjic koncesionaru „PBP“ d.o.o. Konjic („Službene novine HNK“, broj:7/06), u naslovu, riječ „davanju“ zamjenjuje se riječju „dodjeli“, riječi „istražne i“ brišu se, a riječi „tehničkog kamena krečnjaka“ zamjenjuju se riječju „dolomita“.

II

Tačka I mijenja se i glasi:

„Dodjeljuje se koncesija za eksploatacione radove na nalazištu mineralne sirovine dolomita koncesionaru „PBP“ d.o.o. Konjic, na eksploatacionom polju „Tunel“, omeđenom koordinatama:

	Y	X
E ₁	6 499 244,436	4 832 190,067
E ₂	6 499 399,104	4 832 167,445
E ₃	6 499 419,103	4 832 109,738
E ₄	6 499 428,666	4 832 078,184
E ₅	6 499 418,096	4 832 002,976
E ₆	6 499 411,822	4 831 953,326
E ₇	6 499 305,347	4 831 865,293
E ₈	6 499 315,951	4 831 922,379
E ₉	6 499 309,826	4 831 973,666
E ₁₀	6 499 342,646	4 832 051,807
E ₁₁	6 499 349,236	4 832 085,818

ukupne površine 2,66 ha, na k.č. 4273/1 i k.č. 4273/284 K.O. Turija I, općina Konjic.“

III

Tačka III mijenja se i glasi:

„Koncesionar je obavezan platiti jednokratnu i tekuću (godišnju) naknadu.

Naknade iz stava 1. ove tačke će se izračunati na način utvrđen Odlukom o utvrđivanju visine naknada za koncesije za eksploataciju mineralnih sirovina na području Hercegovačko-

neretvanskog kantona („Službene novine HNK“, broj:12/08), i u skladu sa važećom Listom mineralnih sirovina sa koeficijentima vrijednosti (cijenama) za izračunavanje tekuće (godišnje) naknade za koncesiju za eksploataciju mineralnih sirovina.“

IV

Tačka IV briše se.

V

Tačka V mijenja se i glasi:

„Ministar privrede HNK će sa Koncesionarom potpisati ugovor o koncesiji u kojem će biti precizirani svi detalji oko međusobnih prava i obaveza.

Ministar privrede HNK je ovlašten u ime Vlade HNK kao Koncesora potpisati izmjene i dopune ugovora o koncesiji, pod uslovom da se time ne odstupa od odredbi ove Odluke i Zakona o koncesijama, te raskinuti ugovor o koncesiji kada za to nastanu zakonski uslovi i uslovi određeni u ovoj Odluci.“

VI

Tačka VI mijenja se i glasi:

„Rok trajanja koncesije počinje danom potpisivanja ugovora o koncesiji.“

VII

Iza tačke VI dodaju se nove tačke VII, VIII, IX i X, koje glase:

„VII

Koncesionar je obavezan obavljati djelatnost predmeta koncesije u skladu sa uslovima i standardima za obavljanje djelatnosti koji su propisani Glavnim rudarskim projektom, Elaboratom o klasifikaciji, kategorizaciji i proračunu rezervi dolomita, ostalim dozvolama vezanim za rudarsku djelatnost, Zakonom o geološkim istraživanjima, Zakonom o rudarstvu i njihovim provedbenim propisima.“

„VIII

Ugovor o koncesiji, pored razloga propisanih Zakonom o koncesijama, će se raskinuti i u slučaju:

- ako Koncesionar ne plati dospjelu koncesijsku naknadu ni u roku od 30 (trideset) dana od dana prijema pismene opomene od strane Ministarstva privrede,
- nesavjesnog rada koncesionara i zloupotrebe prava iz koncesionog odnosa, koje mora biti u toj mjeri da ne opravdava bilo kakvu dalju saradnju ugovornih strana, i
- ako Koncesionar tri godine za redom iskopa na godišnjem nivou manje od 70% količine sirovine utvrđene planom eksploatacije za tu godinu.“

„IX

Obaveza dostavljanja garancije za izvršenje obaveze plaćanja jednokratne naknade definisat će se ugovorom o koncesiji.“

„X

Pravo nadzora nad ostvarivanjem koncesije imaju Koncesor, Ministarstvo privrede, te u segmentu finansijskih prava i obaveza iz ugovora Ministarstvo finansija.“

VIII

Dosadašnja tačka VII postaje tačka XI.

IX

Ova Odluka stupa na snagu danom donošenja, a objavit će se u „Službenim novinama HNK“.

Bosna i Hercegovina
Federacija Bosne i Hercegovine
HERCEGOVAČKO-NERETVANSKI KANTON
V L A D A

Broj: 01-1-02-1855/09
Mostar, 5.10.2009.godine

P R E D S J E D N I K
Srećko Boras